



20 19 йил « 16 » 04

№ 08-183

« ____ » ____ 20 ____ год

**Хорижий делегация учун Ўзбекистон бўйлаб саёҳат ташкил этиш ва ўтказиш
тўғрисида**

Ўзбекистон Республикаси Администрациясининг 2018 йил 8 декабрдаги 06/1-3156-сон ва Ўзбекистон Республикаси Вазирлар Маҳкамасининг 2018 йил 11 декабрдаги 12/1-4516-сон топшириқлари ҳамда Ўзбекистон Республикаси адлия вазирининг 2019 йил 7 январдаги 6-ум-сон буйруғи ижросини таъминлаш мақсадида 2019 йил 25-27 апрель кунлари Тошкент шаҳрида ўтказиладиган “Tashkent Law Spring” I халқаро юридик форумнинг “Юридик таълим” сессиясида маъруза қилиш мақсадида АҚШ Бостон коллежи Ҳуқуқ мактаби декани Винсент Ружонинг Ўзбекистон Республикасига ташриф буюриши режалаштирилган бўлиб, ташриф билан боғлиқ харажатлар Словениянинг “Регионал диалог” халқаро нодавлат нотижорат ташкилоти Ўзбекистондаги филиали томонидан қопланмоқда.

Ушбу Форумда шунингдек 2018/2019 ўқув йили иккинчи семестри давомида Тошкент давлат юридик университетида (ТДЮУ) дарс машғулотлари олиб бораётган АҚШ Бостон коллежи Ҳуқуқ мактаби профессори Джоан Блум ҳамда АҚШ адвокати Дэниел Хассенфелд иштирок этиши режалаштирилган.

Мазкур Форумдаги иштирок 2014 йил 12 декабрь куни ТДЮУ ва “Регионал диалог” халқаро нодавлат ташкилотининг Ўзбекистондаги филиали ўртасида имзоланган ҳамкорлик тўғрисидаги меморандум ҳамда 2017 йил 18 май куни ТДЮУ ва Бостон коллежи Ҳуқуқ мактаби ўртасида имзоланган ҳамкорлик тўғрисидаги ўзаро англашув меморандуми доирасида амалга оширилмоқда.

Юқоридагиларни инобатга олиб ҳамда ички туризмни ривожлантириш ва Ўзбекистон Республикасининг хориждаги ижобий имиджини шакллантириш мақсадида

БУЙУРАМАН:

1. Бостон коллежи Ҳуқуқ мактаби декани Винсент Ружо, “Регионал диалог” халқаро нодавлат нотижорат ташкилотининг директори Мария Север, Бостон коллежи Ҳуқуқ мактаби профессори Джоан Блум, АҚШ адвокати Дэниел Хассенфелд учун 2019 йил 28-29 апрель кунлари Нукус ва Хива шаҳарларига саёҳат ташкил этилсин.

2. Бош бухгалтер А.Иминов мазкур саёҳат билан боғлиқ харажатларни бюджетдан ташқари маблағлари ҳисобидан молиялаштирилишини таъминласин.

3. Мазкур буйруқнинг бажарилишини назорат қилиш проректор У.Пулатов зиммасига юклансин.

Адлия вазири
Ўринбосари – ректор

Е.Каньязов